

26 August 2024

1700 Hrs

ایوٹننگ گو جری نیو ز بلیٹن مورخہ 26 اگست 2024

یوہ آکا شوانی جموں بے محمد امین انجم تے محمد سفیرتیں خبر سُنو۔ پہلاں خاص خاص خبر۔

Headlines

★1.44 امید واراں غی فہرست واپس لین تیں بعد بی جے پی نے 16 امید واراں غی 2 تا زہ فہرست جاری کیں ہیں۔

★2. بھارت سنگا پور بشکار اچ دوجی وزارتی گول میز میٹنگ ہو رہی ہے۔ تانجے تجارتی تے معاشی تعلقات مضبوط بنایا جا سکیں۔

★3. ڈی جی پی سوین نے کہیو ہے جے دبشت گرد اسمبلی چناواں مانہہ کھودل پان واسطے سُرنگ غو استعمال کر سکیں۔ لیکن حفاظتی دستا ایسی کسے وی کو شش نانہہ ناکام کرن واسطے چوکس ہیں۔

★4. تے مرکز نے لداخ یوٹی نانہہ 5 نواں ضلع دین گو فیصلو ليو ہے۔

خبران غی تفصیل نال پہلاں محمد امین انجم۔

ISMR

دوجی بھارت سنگا پور وزارتی گول میز میٹنگ اچ سنگا پور مانہہ منعقد ہو رہی ہے۔ میٹنگ غو مقصد دوہاں ملکاں بشکار تجارت تے معاشی تعلقات بو مضبوط کرنا ہیں۔ 4 مرکزی وزیر اس میٹنگ مانہہ حصو لے رہیا ہیں جن مانہہ نرملہ سیتھا رمن، پیو ش گوٹیل، ایس جے شنکراور اشونی ویشنو شامل ہیں۔ اپنا دورہ غے دوران وزراء سنگا پور غا اپنا ہم عہداں سنگ گل کریں گا۔ اس سلسلہ غی افتتاحی میٹنگ نویں دہلی مانہہ ستمبر 2022 مانہہ منعقد ہوئی تھی۔ اس سلسلہ مانہہ یاہ دوجی میٹنگ

دوہاں مُلکاں نانہہ حصے داری حکمت عملی غا بکھ بکھ پہلواں غو جائزو لین غے قابل بناوے گی۔ قابل ذکر ہے جے سنگا پو ر بھارت واسطے غیر مُلکی براہ راست سرمایہ کاری غا ضمن مانہہ اک اہم ذریعو ریو ہے۔ تے 24/2023 مانہہ سنگا پو ر درآمد غا سلسلہ مانہہ سب تیں بڑو ذریعو ریو۔ جد 11 عشاریہ 77 بلین ڈالر غی سرمایہ کاری بھارت غا بازاراں مانہہ ہوئی۔ اپریل 2 ہزار تیں 2024 تک سنگا پو ر تیں بھارت مانہہ 159 عشاریہ 94 بلین ڈالر غی سرمایہ کاری ہوئی ہے۔ 24/2023 مانہہ سنگا پو ر بھارت غو 6 ووں عالمی تاجر تے حصے دار تھو۔ جد 36 عشاریہ 61 بلین ڈالر غی تجارت ہوئی۔ قابل ذکر ہے جے بھارت غی برآمد 21 عشاریہ 2 بلین ڈالر رہی۔

BJP List

بھارتیہ جنتا پارٹی نے جموں کشمیر مانہہ اسمبلی چناواں گا سلسلہ مانہہ 15 اُمید واراں غی پہلی فہرست جاری کر دتی ہے۔ اس ضمن مانہہ پہلا مرحلہ غے تحت 18 ستمبر نانہہ ووٹ پایا جائیں گا۔ پارٹی نے شروعات مانہہ 44 اُمید واراں غی فہرست جاری کی تھی۔ جس نانہہ فوراً طور وور واپس لے لیو گیو تھو۔ پارٹی نے آخر کار پہلا مرحلہ مانہہ پایا جان آلا ووٹاں واسطے 15 اُمید واراں غی فہرست جاری کی۔ پارٹی نے جن اُمید واراں نانہہ چناؤ میدان مانہہ اُتاریو اُن مانہہ وادی غا سینئر لیڈر صوفی محمد یوسف، سابق وزیر سُنیل شرما تے پارٹی غا نائب صدر شکتی راج پر یہار نمایاں طور وور شامل ہیں۔ بی جے پی نے کہیو ہے جے واہ جموں کشمیر غی تمام سیٹاں وور چناؤ لڑے گی۔ تے اس طرح بُن توڑی جنوبی کشمیر غی 16 سیٹاں وچوں 7 سیٹاں وور اپنا اُمید وار اُتاریا ہیں۔ جت پہلا مرحلہ مانہہ ووٹ پایا جائیں گا۔ پارٹی نے سابق وزیر سُنیل شرما نانہہ پارٹی اسمبلی حلقہ تیں چناؤ میدان مانہہ اُتاریو ہے۔ شرما نے 2014 مانہہ بی جے پی غی ٹکٹ وور کشتواڑ تیں چناؤ لڑیو تھو۔ اُنہاں نانہہ بُن پاڈر ٹوریو گیو ہے جد کہ شگون پر یہار نانہہ کشتواڑ حلقہ تیں چناؤ لڑن واسطے بھجیو گیو ہے۔ پارٹی غا نائب صدر شکتی راج پر یہار ڈوڈہ اسمبلی حلقہ تیں بی جے پی غی ٹکٹ وور چناؤ لڑیں گا۔

Rajnath Singh

وزیر دفاع راجناتھ سنگھ نے کل قومی سول حقوق عجائب گھر غو دورو لایو۔ تے بھارتی لوکاں نال گل کی۔ اُنہاں نے امریکہ دورہ غے اخیری تہاڑے یوبو دورو لایو۔ بھارتی تارکین وطن سنگ گل کرتاں واں جناب سنگھ نے بھارتی برادری غی حصولیابیاں غی تعریف کی۔ اُنہاں نے سماج، سائینس تے معشیت غا سلسلہ مانہہ بھارتی تارکین وطن غی خدمات غی تعریف کی۔ موصوف نے ان لوکاں نانہہ بھارت تے امریکہ بشکار اک زندہ پُل قرار دتو۔

Navy

بھارتی بحریہ غو جنگی جہاز آئی این ایس ممبئی اج 3 دن واسطے کولمبو پُج گیو ہے۔ اس طرح آئی این ایس ممبئی غو یوہ سری لنکا غی بندرگاہ غو پہلو دورو ہے۔ اور بھارتی بحریہ غا کسے جنگی جہاز غو سال 2024 غو یوہ آٹھوون دورو ہے۔ اپنا قیام غے دوران مذکورہ جنگی جہاز سری لنکا غا چلایا جان آلا جنگی جہاز ڈونٹیر گشتی طیارہ غا ضرور حصہ فراہم کراوے گو۔ اور مذکورہ دوروہ غو مقصد دوہاں مُلکاں غی بحریہ غے مابین آپریشنل طریقہ کار مانہہ اشتراک کرنو ہے۔

Pak Attack

پاکستان غا بلوچستان ضلع موسیٰ خیل مانہہ 23 افراد اج اُس ویلے ہلاک ہو گیا جد بندوق برداراں نے گڈی تے ٹرک مانہہ سوار مسافراں غی شناخت کرن تیں بعد گو لی چلائیں۔ موسیٰ خیل غا سسٹنٹ کمشنر غے مطابق مذکورہ بندوق بردار نے سڑک بند کرن تیں بعد یاه کا روائی کی۔

یہ خبر تم آکا شوانی جموں تیں سُن رپیا ہیں خبراں غا باقی حصہ نال محمد سفیر۔

DGP Tunnels

پولیس غا ڈائریکٹر جنرل آر آر سوین نے کل اشارو دتو جے اسمبلی چناواں غے مدِ نظر پاکستان غی طرفوں جموں کشمیر مانہہ دراندازی واسطے اِک سرنگ غو استعمال بو سکے۔ لیکن حفاظتی دستا ایسی کسے وی طرح غی کوککش نانہہ ناکام کرن واسطے چوکس ہیں۔ اک خبر رساں رسالہ سنگ انٹرویو مانہہ ڈی جی پی نے کہیو جے حفاظتی دستا پُر امن طریقہ نال چناؤ منعقد کران واسطے پابند ہیں۔ تے اس نانہہ اک خطرو نہیں متتا۔ اُنہاں نے کہیو جے ہم نے اس غا خطراں غو مقابلو اس سال اپریل مئی مہینہ مانہہ منعقد ہوا پارلیمانی چناواں گے وقت کیو تھو تے اس غا نتیجہ انتہا ئی حوصلہ افزا ربیا اور لوکاں نے بڑی تعداد مانہہ چناؤ کا روائی مانہہ حصو لیو۔ دیہی حفاظتی راکھاں غی خدمات غی تعریف کرتاں واں موصوف نے کہیو جے اِن راکھاں نانہہ ایسا آلات سنگ لیس کیو جا ربیو ہے۔ جن غی مدد نال رات غے وقت دیکھیو جا سکے۔ اُنہاں نے کہیو جے دراندازاں واسطے رُکاوٹ پیدا کرن غی خاطر سرحدی پولیس تھانہ وی قائم کیا جا ربیا ہیں۔

Ladakh Districts

مرکزی سرکا ر نے فیصلو لیو ہے جے مرکز غا زیر انتظام علاقہ لداخ مانہہ 5 نواں ضلع تشکیل دتا جا ئیں گا۔ جن مانہہ دراس، شام، نُبرا، چنگ تھانگ تے زنسکار شامل ہیں۔ مرکزی وزیر داخلہ امت شاہ نے اظہا ر کیو ہے جے وزارت نے وزیر اعظم نریندرمودی غا نظریہ ترقی یا فتنہ لداخ غے پیش نظر مذکو رہ فیصلو لیو ہے۔ اور نواں تشکیل شدہ ضلعان سنگ علاقہ غا تمام لوک مستفید ویں گا اور سرکا ر لداخ غی عوام غی فلاح و بہبود واسطے متا اقدامات چان غی وعدہ بند ہے۔

SVEEP Poonch

ضلع پونچھ غا دور دراز گراں ہاڑی بُڈھ مانہہ ضلع سویپ ٹیم نے بزرگ شہریاں مانہہ پوسٹل بیلٹ تے دیگر چناوی سہولیات با رے بیدار مہم چلائی۔ مذکو رہ ٹیم نے گراں غابکھ بکھ گھراں مانہہ پُج غے بزرگ شہریاں نانہہ پوسٹل بیلٹ غے ذریعے اپنا حق رائے دیہی استعمال کرن با رے بیدار کیو۔ اور اس سلسلہ مانہہ تحریری مواد وی

پیش کیو گیو۔ اس مہم غو مقصد بزرگ شہریاں نانہہ جمہو ری نظام مانہہ حصولے
غے با اختیار بنایو جائے۔

Medical & Veterinary Camp

ضلع پونچھ غا گراں سیری خواجہ مانہہ عوام تے ان غا مال مویشی غی صحت با رے
بھارتی فوج نے محکمہ آیوش غی میڈیکل ٹیم تے ضلع غا مال چوکھر محکمہ غا
اشتراک نال اک میڈیکل کیمپ غو انعقاد کیو۔ مذکورہ کیمپ مانہہ مال چوکھر غا
ڈاکٹر، محکمہ آیوش تے بھارتی فوج غا ڈاکٹراں نے سانجھا طو ر ور مریضاں تے مال
چوکھر غو مفت معائینو کر غے دوائیں دتیں۔ اس موقعہ و ر 50 تیں متا چوکھر تے 150
مریضاں گو معائینو کیو گیو۔ اور مریضاں نانہہ کیڑے مار دوا تے وٹامن اے غے علا وہ
ٹیٹنس مخالف ٹیکا وی لاپا گیا۔

Amity Meeting

بھارتی فوج نے ضلع راجو ری غا سمہوٹ علاقہ غا لوکاں سنگ اک دوستانہ میٹنگ
غو انعقاد کیو۔ اس میٹنگ غو مقصد تھو تا نجے مقامی لوکاں تے فوج غے مابین تال
میل مضبوط بنایو جائے۔ اس موقعہ و ر مقامی لوکاں نانہہ بھارتی فوج غی دہشت
گرد مخالف کوششاں با رے دسیو گیو۔ اور مقامی لوکاں نانہہ پیش آن آلا مسائل
اُجاگر کرن غو وی موقعو دتو گیو۔ اور دہشت گردی غا خاتمہ واسطے مقامی لوکاں تے
فوج غا تال میل غی اہمیت نانہہ اُجاگر کیو۔ اس دوران میٹنگ مانہہ آیا لوکاں نے
بھارتی فوج غی مقامی لوکاں تک پہنچ آلی کو شش نانہہ وی سراہیو گیو۔

Paris Paraolympics

پیرس پیر الیمپکس 2024 غو آغاز رواں مہینہ غی 28 تا ریخ تیں بو ریہو ہے۔ یا د رہے
لگاتار 11 دن چلن آلو یوہ کھیڈ مقابلو آئندہ مہینہ غی 8 تا ریخ نانہہ اختتام بو جائے گو۔
اس مقابلہ مانہہ بھارت کھیڈاں غی تا ریخ مانہہ سب تیں زیا دہ کھڈاریاں غا دستہ
بھیج ریہو ہے۔ جن مانہہ 84 کھڈاری شامل ہیں۔ نوجواناں غا امور تے کھیڈاں غا مرکزی

وزیر ڈاکٹر مانسکھ مانڈویا نے اک ویڈیو پیغام غے ذریعے مذکورہ کھڈاریاں غے تئیں نیک خواہشات غو اظہار کیو ہے۔ اور مُلکی شہریاں ور زور دتو ہے جے وے ”چئیر فار بھارت غو نعرو بلند کر غے ان کھڈاریاں غی حوصلہ افزائی کریں۔

خاص خاص خبر اک وری پھر سُن لیو۔

- ★1-44 اُمید واراں غی فہرست واپس لین تیں بعد بی جے پی نے 16 اُمید واراں غی 2 تازہ فہرست جاری کیں ہیں۔
- ★2- بھارت سنگا پور بشکار اچ دوجی وزارتی گول میٹنگ بو رہی ہے۔ تانجے تجارتی تے معاشی تعلقات مضبوط بنایا جا سکیں۔
- ★3- ڈی جی پی سوین نے کہیو ہے جے دہشت گرد اسمبلی چناواں مانہ کھودل پان واسطے سُرنگ غو استعمال کر سکیں۔ لیکن حفاظتی دستا ایسی کسے وی کوشش نانہ ناکام کرن واسطے چوکس ہیں۔
- ★4- تے مرکز نے لداخ یوٹی نانہ 5 نواں ضلع دین گو فیصلو لیو ہے۔

اس غے نال ہی خبراں غو یوہ بلیٹن ختم ہوؤ۔